



FEDERATA ATLETIKE E KOSOVËS
KOSOVO ATHLETIC FEDERATION

Web page: www.fakosova.org

e-mail: kos@mf.iaaf.org

RREGULLORE MBI MASAT PREVENTIVE DHE PARANDALUESE TË PËRDORIMIT TË DOPINGUT

Prishtinë, janar 2016

Në bazë të nenit 63 të Ligjit për sport të Kosovës dhe nenit 30 të Statutit të Federatës Atletike të Kosovës, në seancën e datës 16.01.2016 Bordit i FAK-ut miraton këtë:

RREGULLORE MBI MASAT PREVENTIVE DHE PARANDALUESE TË PËRDORIMIT TË DOPINGUT

Neni 1

Me rregulloren e masave për preventivë dhe parandalim të përdorimit të dopingut (në tekstin e mëtejshëm: Rregullore) përcaktohen masat dhe aktivitete për preventivë dhe parandalim të përdorimit të dopingut, si dhe procedurat e masave disiplinore në rastet e përcaktuara të përdorimit të dopingut tek atletët.

Neni 2

Dopingu është i ndaluar.

Dopingu është një ose më shumë shkelje e rregullave të anti-dopingut.

Shkelja e rregullave anti-doping ekziston në rastet e përcaktuara në nenin 81 të ligjit të sportit.

Federata Atletike e Kosovës është e detyruar të sigurojë, brenda kompetencave të saj që për atletët, trajnerët dhe personat tjerë, për të cilët është përcaktuar (krijuar, vërtetuar) përgjegjësi për doping, që të merren masat e duhura, në pajtim me Ligjin për parandalimin e dopingut në sport dhe rregullat e Organizatës përkatëse të Anti-Dopingut, ose rregullat e Agjencisë Botërore Anti-Doping dhe kësaj rregulloreje.

Neni 3

Të gjithë atletët dhe pjesëmarrësit e tjerë në kryerjen e veprimtarive dhe aktiviteteve sportive brenda FAK-ut janë të obliguar të lejojnë dhe mundësojnë kryerjen e kontrollit të dopingut.

Atletët që refuzojnë, nuk marrin pjesë, shmangen ose pamundësojnë kontrollin e dopingut, do t'ju shqiptohet masa për shkelje të rregullave anti-doping sikur të ishte pozitiv në testin e dopingut, dhe në rast të përpjekjes së tillë, atij mund ti përcaktohet masa edhe nëse testi i dopingut është negativ.

Neni 4

Atleti është i detyruar të informojë mjekun i cili është duke e trajtuar atë në lidhje me detyrimin e tij për të mos përdorur substanca dopingut dhe për tu siguruar se çdo terapi mjekësore e përdorur nuk përmban substanca dopingut. Nëse terapia e përdorur përmban substanca dopingut, atleti është i obliguar që ti drejtohet Komisionit Anti-Doping të FAK-ut me kërkesë për miratimin e përjashtimeve për përdorim terapeutik.

Në këtë drejtim FAK-u do të njoftoj atletët me të drejtën dhe detyrimin për të kërkuar nga Komisioni Anti-Doping i FAK-ut që t'ju liroj ndalesën e përdorimit të substancave të dopingut, në rastin kur ekziston një nevojë e qartë dhe e domosdoshme mjekësore.

Neni 5

Kontrolli i dopingut në Kosovës kryhet sipas rregullave të përcaktuara nga Komisioni Anti-Doping i FAK-ut, kurse në rastet kur kontrolli i dopingut bëhet në garat ndërkombëtare - nën menaxhimin e IAAF-së dhe sipas rregullat e tij.

Kontrolli i dopingut mund të organizohet në garë ose jashtë garës, me paralajmërim dhe pa paralajmërim, dhe kryhet me marrjen e mostrave të urinës dhe të gjakut, ose duke aplikuar teknika të tjera të autorizuar për zbulimin e substancave dhe metodave të ndaluara,

ekskluzivisht nga kontrollorët e autorizuar dhe të kualifikuar, ose nga persona që posedojnë leje të lëshuar nga Komisioni Anti-Doping i FAK-ut ose nga Komisioni i njohur si ekuivalent.

Neni 6

Federata Atletike e Kosovës do të përcaktojë me një vendim të veçantë personi përgjegjës për monitorimin e zbatimit të masave për parandalimin e dopingut në FAK.

Neni 7

Kur në procesin e kontrollit të dopingut krijohet një shkelje e rregullave anti-doping, personi përgjegjës për monitorimin e zbatimit të masave për parandalimin e dopingut brenda FAK-ut, do të takoj atletin me të drejtën që pa vonesë, dhe jo më vonë se 7 ditë, të kërkojë analizën e mostrës "B" me shpenzimet e tij, me të drejtën që të marrë pjesë personalisht ose avokatit në praninë e tij në hapjen dhe analizimin e mostrës "B", me shpenzimet e veta, me të drejtë të kërkojë kopjet e dokumentacionit laboratorik të mostrës "A dhe B", e cila përmban informacionin e kërkuar nga Standardi Ndërkombëtar për analiza laboratorike dhe të drejtë që të jetë në formë të shkruar komentimin mbi rrethanat e rastit aktual (konkret) Komisionin Anti-Doping të FAK-ut brenda 7 ditëve. Nëse atleti nuk e kërkon analizën e mostrës "B" brenda 7 ditëve do të konsiderohet se ka hequr dorë nga e drejta e tij për analizën e mostrës "B".

Nëse me analizën e mostrës "B" vërtetohet analiza e gjetjes së dëshmive e cila largohet prej asaj sa është e lejuar ose nëse atleti shprehimisht apo në mënyrë të heshtur të heqë dorë nga e drejta e analizës së mostrës "B", do të fillojë procesi i marrjes së masave për personat përgjegjës për doping.

Neni 8

Rreth vendosjes së masave të akuzuarit që përballet me shkelje të rregullave anti-doping vendos në shkallë të parë komisioni i disiplinor i FAK-ut.

Komisioni disiplinor i përmendur në paragrafin 1 të këtij neni, do të vendos me shumicë votash. (ose ndryshe nëse parashikohet ndryshe nga një akt tjetër i Shoqatës Kombëtare të Sporteve).

Komisioni Disiplinor do të sigurojë që respekton personalitetin dhe të drejtën e mbrojtjes adekuate ligjore të personit përgjegjës për doping (respektimi i privatësisë, kërkimi (hulumtimi) me kohë, garantimi i të drejtës për një shpjegim ligjore, gjykim të drejtë dhe të paanshëm, të drejtën për një përfaqësues ligjor në shpenzime personale, lejimi i shikimit të dokumenteve, dosjet e dëshmive. pajtueshmëria me standardet në aspektin e dëshmisë së dopingut, informimi me kohë, vendimi dhe me arsytimi me shkrim në kohë, të drejtën e ankimit, etj).

Ligjshmërinë dhe rregullsinë e procedurës e merr parasysh personin përgjegjës për monitorimin e zbatimit të masave për parandalimin e dopingut në FAK.

88

Neni 9

Masat e shqiptuara për shkelje të rregullave anti-doping janë:

- 1) diskualifikim i rezultateve sportive;
- 2) suspendim i përkohshëm;
- 3) ndalimi për të marrë pjesë në garat;
- 4) Ndalimi për të kryer funksione në fushën e sportit.

në periudhë kohore, sipas kushteve dhe në përputhje me ligjin e sportit.

Neni 10

Vendimi i komisionit disiplinor do t'i dorëzohet IAAF dhe EAA dhe komisionit Anti-Doping të FAK-ut.

Neni 11

Nëse FAK-u nuk vendosë masa për shkelje të rregullave anti-doping brenda një viti prej kur me analizën e mostrave të marra është treguar se atleti është stimuluar (dopinguar), në shkelje të rregullave anti-doping vendos në shkallë të parë Komisioni Anti-Doping i FAK-ut.

Komisioni Anti-Doping i FAK-ut mundet me pëlqimin e atletëve, të vendos mbi shkeljen e rregullave anti-doping në shkallë të parë dhe para afatit të referuar në paragrafin 1 të këtij neni.

Neni 12

Vendimi i komisionit disiplinor mund të bëhet ankes në Komisionin Anti-Doping të FAK-ut për afatet dhe për kushtet e parashikuara nga rregulloret mbi përcaktimin e përgjegjësive të personit që ka kryer shkeljen e rregullave anti-doping, përveç ku në përputhje me ligjin nuk është përcaktuar, d.m.th. nga juridiksioni i IAAF dhe EAA për të vendosur lidhur me ankesën.

Neni 13

Nëse në shkeljen e rregullave anti-doping vendos Komisioni Anti-Doping i FAK-ut ka të drejtë të caktojë një ekspert i cili do të ndihmojë atletët në proces dhe t'ju japë këshilla kur është e nevojshme.

Neni 14

Federata Atletike e Kosovës nuk do të njohë një rezultat sporti në arritjen e të cilit ka marrë pjesë atleti i stimuluar (dopinguar).

Neni 15

Federata Atletike e Kosovës nuk do të lejojë pjesëmarrjen në ngjarje sportive një atleti i cili është dënuar me masë për shkak të dopingut.

Neni 16

Federata Atletike e Kosovës është e obliguar që të rregullojë procedurën për njohjen e ndërsjellë të suspendimit dhe masave të tjera të vendosura nga shoqatat e tjera sportive në vend dhe jashtë vendit dhe për të siguruar që FAK-u i përmbahet masave të shqiptuara dhe suspendimit.

Neni 17

Federata Atletike e Kosovës do të miratojë një program të veprimit anti-doping.

Neni 18

Federata Atletike e Kosovës është e obliguar për të siguruar përcjelljen e vazhdueshme individuale mjekësore të sportistëve të elitari, dhe për këtë qëllim do të nxjerrë aktet e nevojshme dhe për të marrë masa konkrete.

Neni 19

Federata Atletike e Kosovës të paktën një herë në vit do të informoj dhe edukoj anëtarët e saj dhe atletët me rregulloret aktuale në lidhje me dopingun në sport dhe efektet e dëmshme për shëndetin, kur përdoren substancat e dopingut.

Neni 20

Të gjithë anëtarët e Federatës Atletikës të Kosovës janë të detyruara të respektojnë detyrimet që rrjedhin nga zbatimi i masave për të luftuar dopingun në sport.

Neni 21

Federata Atletike e Kosovës është e obliguar të shkurtoj pjesërisht ose plotësisht financimin e atletit, organizatave sportive dhe subjekteve tjera që nuk përputhen me rregullat ekzistuese anti-doping, si dhe nuk kontrollojnë programet anti-doping të anëtarëve të saj dhe zbatimin e këtyre programeve.

Neni 22

Federata Atletike e Kosovës do të informojë Ministrinë përgjegjëse për sport dhe me formimin e Agjencisë Anti-Doping mbi masat për të luftuar dopingun të ndërmarra gjatë vitit.

Neni 23

Federata Atletike e Kosovës me formimin e Agjencisë Anti-Doping mund t'i propozojë për të kryer në kontrollin në garat e caktuara apo kontrollin jashtë garës së ekipeve të caktuara, grupeve të treningut apo atletëve individual.

Neni 24

Federata Atletike e Kosovës do të njoftoj atletët - anëtarët e grupit kombëtar të regjistruar të testimit, me obligimin që Agjencisë Anti-Doping të Kosovës kur të formohet dhe të personit përgjegjës për monitorimin e zbatimit të masave për të parandaluar dopingun, rregullisht dhe me saktësi ti informojnë në lidhje me vendndodhjen dhe qasjen, përmes formës së ashtuquajtur "whereabout" për lokacionin, në përputhje me rregulloret e dopingut në garat sportive dhe jashtë garës.

Neni 25

Federata Atletike e Kosovës rregullisht do të informojë anëtarët e saj dhe atletët për listat e referimit të substancave të ndaluara.

Neni 26

Kjo rregullore, si dhe çdo ndryshim i saj eventual i mëvonshëm do të dorëzohen në Ministrinë përgjegjëse të sportit dhe komisionit anti-doping të FAK-ut brenda 15 ditëve nga data e hyrjes në fuqi.

Neni 27

Kjo rregullore hyn në fuqi në ditën e miratimit të saj.

KRYETARI I FAK-ut
Halil Sylejmani

